



Universitätsbibliothek Paderborn

Formularium Episcopale

Barbosa, Agostinho

Coloniae Agrippinae, 1680

38. De forma faciendi processus, & inquisitiones ex praescripto Co[n]cil.
Trid. super promovendis ad regimina Ecclesiarum Cathedralium, & aliorum
Superiorum seu Monasteriorum atque ad caeteras ...

urn:nbn:de:hbz:466:1-10456

montes, intra quatuor menses; qui demum ultra montes erunt, intra octo menses à die publicationis hujusmodi computandos, perinde afficere & arctare, ac si eorum cuique personaliter intimatae fuissent &c. Nulli ergo omnino hominum licet hanc paginam nostri statuti, ordinationis, declarationum, privationis, reservationum, inhibitionis, voluntatum, decretorum, & mandati infringere, vel ei ausu temerario contraire. Si quis autem hoc attentare præsumperit, indignationem Omnipotentis Dei, ac Beatorum Petri & Pauli Apostolorum ejus se non verit incursum. Datum Romæ apud S. Petrum, anno Incarnationis Dominicæ MD. LXXXVIII. Nonis Januarii Pontificatus nostri anno quarto.

E. Cardin. Prodat.

Joan. August. Papini

De forma faciendi processus & inquisitiones ex præscripto Conc. Trident. super promovendis ad regimina Ecclesiastiarum Cathedralium, & aliorum superiorum, seu Monasteriorum, atque ad cæteras dignitates, de quibus in Consistorio provideatur.

XXXVIII.

Part. I. tit. I. c. §.

GREGORIUS Episcopus, servus servorum Dei ad perpetuam rei memoriam.

ONUS Apostolicæ servitutis ad quod nuper nos dignatio divina provexit, assidue admonet, in eam potissimum curam nobis esse pastorali sollicitudine incumbendum, ut que à Sacris oecumenicisque Conciliis pro communi totius Christiani populi salute piè, prudenterque statuta sunt, nulla aut temeritate violentur, aut negligenter deserantur, ea præsertim quæ ad bonos idoneosque Pastores Cathedralibus, ac superioribus Ecclesiis gubernandis præficiendos pertinent. Nam si in quibusvis Ecclesiæ gradibus & ministris curandum est tales eligi, qui religione & sanctitate fideles ædificant; multò certè magis elaborandum est, ne in ejus electione erretur, qui supra omnes gradus constituitur cui tanquam servo fideli & prudenti totius familiae cura traditur, qui ad omnem virtutem & mandatorum Dei observantiam aliorum forma esse debet; cum certum sit, gregis salutem magnopere pendere ex boni pastoris præstanti vita & doctrina. Sanè venerabiles Patres, qui ex toto terrarum orbe ad Sacrum generale Concilium Trid. à Summis Pontif. prædecessoribus nostris evocati magna frequentia converierunt, cum in aliis rebus multis præclarum studium ad corrigendos depravatos mores, & collapsam Ecclesiasticam disciplinam restituendam ostenderunt, tum in eo potissimum insigni zelo, magna cum laude labrarunt, ut rationem invenirem, quæ viri doctrina, pietate, prudentiaque excellentes, & in Ecclesiasticis sancti- nibus

nibus diu multumque versati, Ecclesijs Cathedraib[us] præficerentur. Nos igitur, qui cum in majoribus constituti Cremoneniem Ecclesiam regeremus, in eodem Concilio cum sanctis & egregiis illis Patribus interfuiimus & Concilio absoluto ad Ecclesiam nostram reverti magnō semper desiderio flagravimus, ut tam salubria generalis Concilii decreta executioni debite mandarentur, atque ut id fieret pro virili parte curavimus: multò tunc magis, cum disponente Domino omnium Ecclesiarum cura & sollicitudo nos premit, summo desiderio tenemur, ut Pastores iij præficiantur Ecclesijs, qui opus suum & ministerium impleant, & de ovium salute nos in Domino lætificant. Illud autem in hoc saluberrimo & pernecessario negotio, quod est de Episcopis eligendis, & præficiendis, videtur esse præcipuum, ut instructio, examen & inquisitio de fide, vita, moribus, doctrina & prudentia promyendorum tam accuratè, fideliter ac seriò instituantur, ut omnis fallaciae fuscamento, certò confidere valeamus, tales à nobis Christi gregi pascendo esse propositas, quales tantum onus, Angelicis videlicet humeris formidandum, exigit, & quales ille expedit, qui pro ejsdem ovibus redimendis propriæ yitæ ac sanguini non pepert. Et quidem in hac parte providentia dicti Conc. Ttid. minime defuit, cùm statuerit ac mandaverit, ut in provinciali Synodo per Metropolitatum habenda; præsciberetur quibusq; locis & provinciis propria examinis,

seu inquisitionis, aut instructionis sciendi forma Romani Pont arbitrio approbanda, quæ magis eisdem locis utilis atque opportuna esse videretur: Verùm neque id hactenus nisi à paucissimis factum est, neque spes est nū longissimo temporis spatio, ut ab omnibus fiat; atque interim, dum certa examinis, sive inquisitionis ratio à Provincialibus Concilijs exspectatur, perit ubi ille fructus, qui ex tam utilibus Concilij generalis decretis superari posse videbatur; & experientia docuit per tot annos à publicatione Concilij præd. elapsos, quid in unaquaque provincia opus sit, quidvè possit fieri. Habita igitur cum venerabilibus fratribus nostris S. R. E. Cardinalibus matura deliberatione, ac de eorum unanimi consilio, & assensu præsenti nostra perpetuo valitura constitutione decernimus, & cùm extrā Rom. Curiam examen, instructio, sive inquisitio facienda erit, nemo omnino, cuiuscunque status, gradus, conditionisvè fuerit, inquisitionem prædictam sibi arrogare præsumat, sed integrum hoc negotium ijs qui à præd. Trid. Concilio designantur, Apostolicæ videlicet Sedis Legatis, seu Nuntijs provincialium, aut ejus, de quo inquisitio fit, ordinario, eoque deficiente Ordinatijs vicinioribus relinquatur, nisi justis de causis nobis, aut pro tempore existenti Rom. Pont. per speciale mandatum alicui alteri hoc munus quandoque committendū esse visum fuerit. Quod si forte aliquis prædictorum consanguinitate aut affinitate usq; ad tertium gradum

gradum inclusivè promovendum cōtingeret ; ut omnis suspicio carnalis affectus è tam sancto negotio repellatur, ille quidem eo casu censeatur exclusus , atque ad eum qui proximè sequitur, hoc est, si Legatus excludendus erit, ad Nuntium, si Nuntius, ad Ordinarium inquisitionis officium defera tur : In Curia verò hæc sanctio speget ad eos Cardinales, quia nobis, vel pro tempore existente Rom. Pont. delegentur, vel ad Cardinales earum Provinciarum, seu Regnorum apud nos & Sedem Apost. protectores, in quibus Ecclesiæ ipsæ consistunt ; si tamen ad ipsos hujusmodi vacantium Ecclesiæ relatio pertinebit, quod si de Episcopo vel Metropolitanu extra Rom. Cu iam degente ab una Ecclesia ad aliam ex aliqua gravi & justa causa transferendo agetur, hoc munus defientibus Legato, vel Nuntio Apostolico ejus Provinciae aut Regni, ubi Ecclesia ipsa, à qua transfertur, sita erit, ad Metropolitanum, si Episcopus, ad Suffraganeum verò antiquiorem residentem, si Metropolitanus transferendus erit, pertinere declaramus. Deinde quia Sacrum Trid. Conc. non sine magna ratione eminentes personas, & quæ negotij magnitudinem probè intelligerent, ad hoc officium nominavit, declaramus & statuimus, tam Legatos, sive Nuntios, quam Ordinarios, vel alios ab hac sancta Sede forte delegandos, non per Auditores, aut Vicarios aliosvè Ministros, sed per se ipsos inquirendi munus exercere debere, quamvis ab hujusmodi personis aliud-

que viris peritis adjuvari adjuvari possint. Et si Prælatus inquirens per se non posset ob locorum distantiam testes examinare circa articulum aliquem, vel legitimos natales, vel ætatem, aut aliquid ejusmodi; licebit ei articulum illum alteri personæ in dignitate Ecclesiastica constituta subdelegare, non autem universam inquisitionem. Quod si fortè contingat, aliquem supradictorum legitimè impediri, ut per se hoc munus præstare non possit, ad alios ea cura transfertur, qui sunt ab eodem Conc. Trid. ad hoc officium designati, ut supra dictum est de ijs, qui ob consanguinitatem, vel affinitatem ab hoc munere excluduntur : Ad hæc, ut mens ejusdem Sacri Conc. rectè ac fideliter debite executioni mandetur, & tale sit examen, quale requiritur, in negotio tanti ponderis, declaramus ac statuimus, non esse in vita ac doctrina promovendi investiganda tam rationem adhibendam, ut ab ipso promovendo articuli offerantur, ac testes producantur, sed oportere, ut Prælatus, qui munus inquirendi suscepit, articulo conscribat, atque ipse ex officio suo testes vocet, & examinet, quos de rebus inquirendis sincerum, ac fidele testimoniū datus esse existimet. Verùm, ut inquisitio prædicta facilius ac pleniū perficiatque expediti queat, utile erit, si Prælatus, qui inquisitionem facturus est, vel à promovendo, vel ab alio aliquo confici curet schedulam, in qua sint ordine descripta nomen promovendi, cognomen, patria, parentes,

Ecclesiæ

ætas,

ætas, ordo, gradus, professio, functio, si quam jam certè exercuit, loca in quibus Theologie, vel juri Canonico operam dederit, aut longo tempore versatus fuerit, denique amici familiares, qui tam ipsum, quam parentes ejus in tamè norint. Quod si promovendus documentum aliquod exhibere voluerit, unde ipsius ætas, gradus, dignitas, sacri Ordines, functio, officia, munera, que, aut aliquid ejusmodi comprobetur admittendum, ac processui inferendum erit, modò documentum publicum, seu authenticum fuerit. Illud quoqua prohibendum censuimus, ac expressè prohibemus, ne ad testimonium dicendum de fide Catholica, vita, moribus, doctrina, atque aptitudine ad regendam Ecclesiam quilibet homines admittantur, sed vii tantum graves, pīj, prudentes, docti, qui de qualitatibus promovendorum rectum iudicium ferre valeant, ac, ut supra diximus, sincerum ac fidele testimonium dare velint. Proinde tam Cognati ac nimirū familiares, quam inimici atque æmuli excludendi erunt. Porro testes ejusmodi Prælatus, qui examen seu inquisitionem habiturus erit, seorsum ac singulatim examinabit, & si quando judicaverit expedite, eis ad memoriam reducet tum juramenti viram, tum perjurii gravitatem: eosdem etiam serius & graviter admonebit, ipsos reos futuros apud omnipotentem Deum eorum omnium, quorum vel committendo, vel omittendo rei erunt qui promovebuntur, si vel falsa narrando, vel reticendo vera, in causa erunt,

ut homines indigni, vel minus idonei ejusmodi Ecclesijs præficiantur. Diligenter etiam testimoniū qualitates cognoscere studebit, ac potissimum quam sint ad promovendos affecti, ut inde conjiciat utrum ex affectu, an ex veritate testimonium dicant. Denique cum testes de qualitatibus promovendi interrogabit, dabit operam, ut quo ad ejus fieri poterit, omnia & singula; quæ ad prædictam inquisitionem facere videbuntur, per ipsos exprimantur. Quamvis autem qualitates omnes promovendorum, que in generalium Synodorum Decretis, alijsque Canonicis Sanctionibus continentur, probè cognitæ esse debeant ijs, quibus inquisitionis officium demandatum est, quales sunt, natum esse ex legitimo matrimonio, atque ex parentibus Catholicis, annum trigesimum jam explevisse, sacris Ordibus saltem ante sex menses initiatum esse, gradum Docttoratus, aut Licentia in Theologia vel jure Canonico, aut certè publicum alicujus Academiæ testimonium, obtinuisse, quoad alios docendos idoneus esse declaretur, adhac in Ecclesiasticis functionibus diu versatum, item fideli putate, innocentia vitæ, prudentia, usu rerum, integra fama, doctrina denique præditum esse: tamen quia circa doctrinam plures fraudes contrahit solent, & hæc contingit, ut nonnulli scientia vacui, de solo doctoris titulo aut privilegio glorientur, volumus, ut de eorum etiam doctrina diligenter inquiratur, qui vel docttoratus,

ctoratus , aut licentiae titulis & privilegijs gaudent , vel etiam à publicis Academijs testimonium habuerunt , quod idonei essent ad alios docendos , nisi forte aliquorum insignis doctrina ex publica ipsorum functione notoria esset . Ita vero inquisitio facienda erit , ut quibus in locis , quanto tempore , & quo fructu Theologiae , vel Juri Canonico promovendus operam dederit cognoscatur . Et quoniam in quibusdam provinciis nulla sunt studia generalia , neque ullæ publicæ scholæ , neque usus habet , ut qui studiis operam navant , ullis Doctoratus , aut licentiae insignibus decorentur ; declaramus in ejusmodi locis sufficere , si testimonio virorum gravium , & sacrae Theologiae , vel Juris Canonici peritorum constet , promovendos ea scientia Theologiae vel Canonum verè pollere , ut idonei sint ad ea docenda , quæ populum Christianum scire oportet , ac muneris sibi injungendi necessitati valeant satisfacere . Testes præterea deponant se de scientia promovendorum certos redditos esse ex eo , quod prædictos promovendos specimen sua doctrinæ publicè , vel privatim dedisse cognoverint . Quod autem ad Regulares pertinet , cùm ad Ecclesiæ Cathedrales promovendi fuerint , ne fraus ulla subrepere possit , in eo quod idem Trid. Concilium statuit , ut Regulares à suis Superioribus sufficientis doctrinæ testimonium habeant ; declaramus nomine superiorum eos duataxat in-

telligendos esse , qui nullum sui Ordinis superiorem agnoscunt , sive iij cuiusvis Ordinis Abbates , Magistri , aut Ministri , aut Præpositi generales , aut quarumlibet Congregationalium Præsidentes sive Definitores , aut Visitatores Capitulum generale representantes , sive alij quocunque vocabulo nominentur , & in eorum absentia ipsorum Vicarij , seu Commisarij generales , vel in Romana Curia Procuratores Ordinum aut Congregationum generales in hac parte succedant . Et nihilominus præter Superiorum testimonium , qui fidem facient ejusmodi Regulares ad alios docendos idoneos esse , volumus ea servari , quæ de ijs diximus , qui publicum suæ doctrinæ ab aliqua Academia testimonium habent , ut videlicet serio inquiratur , an Regulares ad Cathedrales Ecclesiæ promovendi eos progressus in studiis fecerint , qui in futuro Antistite requiruntur . Post inquisitionem vero de fide , vita , moribus , doctrina & prudentia promovendi , nec non informationem de statu Ecclesiæ , alijque necessariis rebus , quæ pariter coram superiori expressis Prælati juxta ejusdem Concilij decreta fieri debet , professio Fidei Catholicae à promovendo facienda erit , quam quidem ab eo duntaxat recipiendam esse declaramus , ad quem inquisitio pertinebit ; nisi forte qui professionem emissurus est , à Prælato inquirente longè distat ; tunc enim is Prælatus ex subdelegatione inquirentis professionem admittere debet , qui

Ee 2 pro-

promovendo vicinior erit: quod judicio habenda sit: simul etiam quid de promovendo ipse sentiat. Processus autem sic formati, & ad Curiam transmissi, à Cardinale, cui proponendi munus incumbet, & à tribus Prioribus Ordinum Cardinalibus, ut moris est, juxta formam Concilij prædicti subscriptentur, & expedientur. Volumus autem ut Cardinalis relator moneat promovendum, si praesens in Curia fuerit, juxta Con-. Lateranense novissimè celebratum omnes Cardinales, sive majorem partem Collegij adeat, antequam Ecclesiam proponat, ut quæ à referente Collega sint audituri, oculata fide quantum ad personam promovendi attinet, cognoscere possint. Hoc porro omnia quæ de promovendis ad Ecclesiæ Cathedrales dicta sunt, ad eos etiam pertinere, atque in eorum promotione servanda esse declaramus & decernimus, qui nominati, praesentati, aut electi fuerint ad Abbatiales, ac Prioratus seu Præpositatus Monasteriorum regimina aut alias Regularium cuiusvis Ordinis, aut etiam Sæcularium præfecturas, de quibus consistorialiter provideri contigerit, atque eos præfertim, quibus præter curam & regimen Monachorum, aut Canonicorū, Clericorumque Regularium, vel sæcularium, annexa est in populum jurisdictio spiritualis, vel temporalis: excepta tamen ætate, circa quam nihil innovamus. Quo verò ad doctrinam, cum generalia Concilia non statuant,

ut

ut personæ promovenda ad Regulares dignitates Doctoratus sive Licentia gradum suscipere , vel publicum testimonium ab Academia aliqua habere temeantur , & tamen æquum sit , ut ea doctrina polleant , qua onus sibi imponendum sustinere valeant , declaramus & statuimus , ut Prælati , qui inquirendi munus suscepturi sunt , studiosè ac diligenter inquirant super doctrina ejusmodi personarum juxta modum & formam superius præscriptam , ut nos , & pro tempore futuri Rom. Pontifices habita de illis vera informatione per processum , qui ab inquirente transmitetur , certò statuere ac judicare possimus , an persona promovenda vere sit talis , qualem dignitas illa , ad quam promovenda est , exigit & requirit . Hortamur verò in visceribus Domini nostri JESU CHRISTI ac paterna charitate monemus eos omnes , qui ab hac Sancta Sede nominandi , præsentandi , vel etiam eligendi futuros Episcopos , vel Abbares jus habent , ut serìo apud se cogitent , quanti momenti sit hoc negotium , ex quo salus animarum , tranquillitas Reipublicæ , incolumitas Religionis , propagatio Fidei , aliaque permulta & maxima bona dependent . Illud etiam sàpè & sèpiùs ad mentem revocent quod Sancta Trid. Synodus admonet , nihil se ad Dei gloriam , & populorum salutem utilius posse facere , quam si bonos Pastores , & Ecclesiæ gubernandæ idoneos promoveri studeant : eosque alienis peccatis com-

municantes mortaliter peccare , nisi quos digniores , & Ecclesiæ magis utilles ipsi judicaverint , non quidem precibus , vel humano affectu , aut ambientium cupiditatibus , sed eorum exigentibus meritis præfici diligenter curaverint . De nominandis verò , præsentandis , vel eligendis ad Regulares dignitates , præterea quæ supe ius observanda esse declaravimus , illud quoque paternis his nostris hortationibus & monitionibus adjiciendum censuimus , ut nominationis præsentationis , vel electionis jus habentes eos eligere studeant , atque omnino conentur , qui non modò eundem Ordinem sint ante professi , sed in eodem etiam satis diu laudabiliter versati , neque enim decet , ut magistri aliorum esse incipiunt , qui non fuerint ante discipuli & subditis imperare præsumant , qui prius non didicerint superioribus obediere . Eos denique , qui vel examinando vel inquirendo , vel testimonium ferrando operam suam in hac re præstabant , serìo monemus , ut ea fide ac diligentia in negotio tanti momenti versentur , ut à Deo & à nobis laudem pro bono opere exspectare valeant . Nulli ergo omnino hominum licet hanc paginam nostræ prohibitionis voluntatis , declarationis , decreti , statuti , hortationis , & monitionis infringere , vel ei ausu temerario contraire . Si quis autem hoc attentare præsumperit , indignationem omnipotentis Dei , ac beatorum Petri & Pauli Apostolorum ejus se noverit incursum .

Ee 3

Da-

Datum Romæ in Monte Quirinali,
anno Incarnationis Dominicæ M.D.
XCI. Idibus Maij. Pont. nostri anno
primo.

A. Card. Montalt. Summator.

Moderatio Bullæ Sixti V. contra Cle-
ricos malè promotos, & eos promo-
ventes editæ, cum præservatione po-
narum ibidem Simoniacè Ordin-
natis, & Ordinantibus in-
fictarum.

XX XIX.

Part. 2. alleg. 6. 8. & 20.

CLEMENS Episcopus, servus ser-
vorum Dei, ad perpetuam rei
memoriam.

Romanum Pontificem decet ea, quæ ob justas causas interdum sta-
tuta sunt, cùm ipsa rerum experientia
suadet, moderari, & immutare, pro-
ut in Domino salubriter conspicit ex-
pedire. Alias sanè emanarunt litteræ
fel. rec. Sixti Papæ V. prædecessoris
nostræ contra Clericos malè promo-
tos ac in Episcop. in Ordinum colla-
tione peccantes tenoris &c. (*Omitti-
tur insertio Bullæ, quoniam eam ha-
bę supra.*) Nos animadvertisentes in
dictis litteris nihil ferè quoad ea, quæ
in Ordinum collatione servanda sunt,
disponi, ultra id quod in Sacris Cano-
nibus, & in Concilii Trid. decretis, ac
aliorum Rom. Pont. prædecessorum

nostrorum constitutionibus dispe-
sum fuit, sed diversas pœnas & censu-
ras Ecclesiasticas contra Episcopos &
alios Prælatos in Ordinum collatione
peccantes, & similiter contra Clericos
tam sacerdtales, quam cuiusvis Ordinis
instituti & Militiae Regulares male
promotos constitui, abolitionem &
dispensationem Sedi Apost. reservari,
& alias sicut in præfatis litteris contine-
tur. Considerantesque tam promo-
ventes, quam eos, qui ad dictos Ordin-
es promoventur, sæpe censuris, &
pœnis hujusmodi, ob illarum multipli-
citatem in eorum perniciem animarum
variis modis illaqueari, nonnullos ex
Prælatis & Episcopis in conferendis
hujusmodi Ordinibus scrupulose pro-
cedere, multosque metu pœnarum, &
Censurarum præfatarum ab Ordinum
collatione prorsus deterri, adeo ut
Clericorum, & sacerdotum nu-
merus propterea aliquibus in locis valde
imminutus sit, omnium in præmissis
securitati, atque animarum saluti pa-
terna charitate prospicere volentes,
Motu proprio, & ex certa scientia no-
stris, ac de Apostolicæ potestatis plenit-
udine supradictas litteras ad terminos
Sacrorum Canonum & Constitutionis
recolendæ mem. Pii Papæ II. etiam
prædecessoris nostri, quæ incipit, cum
ex Sacrorum Ordinum, sub data vide-
licet quintodecimo Kal. Decembr.
Pontificatus sui anno 4. cuius tenorem
præsentibus pro expresso haberi volu-
mus, & ad dispositionem decretorum
Sacri Tr. Concilij restringimus, & re-
ducimus: nec non censuras & pœnas

ia